

Professio-
nes hære-
ditariae.

Tanistry.

Girald.
Cam-
brenf.

gestas describunt, Medicos, Poëtas, quos Bar-
dos vocant, & Citharædos, quibus singulis sua
prædia assignata sunt, & singuli sunt in uno-
quoque territorio è certis & singulis familiis,
scilicet *Breabani*, unius stirpis & nominis, Hi-
storici alterius, & sic de cæteris, qui suos libe-
ros, sive cognatos in sua quilibet arte erudiunt,
& semper successores habent. Ius vero hære-
ditarium successionis apud hos magnates non
observatur, sed qui ex præcipua aliqua familia
viribus, clientelis, & audacia potentior, domi-
natum quadam provincialium factione aut e-
lectione sibi arripit, demortui filiis, nepotibus,
& sanguine proximis omnino exclusis: & bar-
baris ceremoniis in solio saxeo sub dio, certo
aliquo monticulo collocatur; Quo etiam tem-
pore lege quadam (*Tanistry* dicunt) successor
etiam aliquando designatur, qui *Tanist* nuncu-
patur, nescio an a Danis vocabulo mutuato,
apud quos ut apud Septentrionales Britanniae
incolas *Thane* pro viro nobili, & Regis ministro
diu fuit in usu.

Iam inde *Goodi* observationes habe, pro quo
præfabor, illum nihil ad calumniam, sed om-
nia ad veritatem collimare, & tantum de in-
conditis illis, & merè Hibernicis loqui, qui in
extremis delitescunt, & humaniores mores
nondum induerunt.

In universum gens hæc corpore valida, & in-
primis agilis, animo forti & elato, ingenio acri,
bellicoso, vitæ prodiga, laboris, frigoris & ine-
diæ patiens, Veneri indulgens, hospitibus per-
benigna, amore constans, inimicitis implaca-
bilis, credulitate levis, gloriæ avida, contume-
liæ & iniuriæ impatiens, & ut inquit ille olim,
*in omnes affectus vehementissima, qui mali, nusquam
peiores, & bonis meliores vix reperiuntur.*

In commune liberis, cum ad sacrum Baptis-
mum accedunt, profana nomina imponunt,
annectentes semper aliquid nomini, vel ab
eventu acceptum, vel à vetula, vel ex colore,
ut Rufus, Albus, Niger, vel ex morbo, scabie,
calvitio, vel ex scelere, ut latro, superbus; &
licet contumeliarum sint impatientissimi, hæc
tamen nomina non dedignantur optimates il-
li, qui O literam nominibus præfixam habent.
Parentis nomen, vel alicuius ex ea familia tum
viventis liberis imponere fas non est, mortem
sibi inde accelerari persuasum habent. Mor-
tuo verò parte, ejus nomen assumit filius, ne
nomen intercidat, & si quis ex majoribus eo
nomine præliando insignis fuerit, similis ab
hoc virtus expectatur. Augent hanc opinio-
nem Poëta, qui antiquorum illorum res gestas
literis consignatas habent, & multa commen-
titia adnectunt, unde Poëtis his divitiæ ac-
crescunt. Novæ enim enuptæ, & puerperæ se
infames existimant, si vestes suas, quas habent
optimas, non huic laudatori donent. Matres
post sextum à partu diem ex integro se mari-

Hibernia.

tali operi dedunt, parvulos ad nutrices expo-
nunt. Nobilioribus multæ nutrices ex longin-
quis statim aderunt, qui infantis nutritionem
ambiunt, suosque hisce alumnis postponunt.
Et quamvis intemperatissimi sunt propter cœ-
li intemperiem, soli ciborumque humidita-
tem, & juris exilium, cumque suis liberis lac
præbere pro probro habeant; alumni tamen
gratia & vir & uxor à commistione abstinere.
Si secus fiat, suis sumptibus nutricem aliam
substituunt. Tot ferè sunt nutrices, quot
adolescuntulæ famulæ, & stupri pretium la-
ctandi infantulum facultatem putant. Si in-
fantulus ægrotet, lotio veterrimo aspergunt,
& contra infortunia non solum principium
Evangelii Ioannis, sed clavum etiam obliquum
ex equi ungula acceptum, aut lupinæ pellis
particulam pueris ex collo appendent. Ge-
stantque in eam rem tam nutrices, quam in-
fantes, zonas ex mulierum crinibus contex-
tas, Amasiis etiam armillas ex illis crinibus
concinnatas donari compertum est, an Ve-
neris Ceston cogitant nescio. Nutritii multo
plus operæ, opum, & amoris alumnis, quam
natis impendunt, ab iis vestes, sumptus ad
studia, ad arma, ad quævis flagitia, ab iis do-
tes & pecora non tam suo jure accipiunt,
quam extorquent, etiam prædis abactis. Om-
nes ab iisdem enutriti, chariores se habent in-
vicem, plus amant mutuo, plus credunt, quam
si germani essent; adeo etiam ut præ his, &
propter hos etiam germanos odio habeant.
A parentibus reprehensi, ad hos altores suos
confugiunt, & ab his animati in apertum sæpe
bellum contra parentes prorumpunt, ab his
ad omnem flagitiorum immanitatem instructi,
perditissimi evadunt: uti nutrices virgines
quas nutriunt ad omnem obscœnitatem eru-
diunt. Si alumnus aliquis è morbo laboret,
incredibile quam cito audiant nutrices, etiam
magno locorum intervallo sejunctæ, quam sol-
licitæ die nocteque ægrotanti adsideant. Nec
aliunde quam ex his nutritiis maximæ Hiber-
niæ corruptelæ profluxisse creduntur.

Conjicere licet hanc quam reliquas gentes,
& calidioris, & humidioris esse naturæ, quod
ex mirifica illorum carnis mollitie colligitur,
quam sibi tam terræ ingenium, quam lotio-
num quarundam artificium, exercitiumque
conferre non est ambiguum. Pollent etiam
propter eandem musculorum teneritudinem
incredibili agilitate, & omnium corporis par-
tium flexibilitate. Otio inprimis sunt dediti,
summas reputant divitias labore carere, &
summas ducunt delicias libertate gaudere.
Musica inprimis delectantur, citharaque maxi-
me chordis æneis quas aduncis unguibus nu-
merose pulsant. Si qui religioni se consecrant,
religiosa quadam austeritate ad miraculum us-
que se continent, vigilando, orando, & jeju-
niis